

廣弘明集卷第三十八

十八  
然南山釋氏  
道宣撰  
聚八

啓福篇序

福者何耶所謂感樂受以安形取歡娛以悅性也然則法王立法周統識心三界牢獄三科檢定一罪二福三曰道也罪則三毒所結

乙

較繁業屬於鬼王論其相狀後篇備列福則四

弘所成我固屬於天主道則虛通無帶據行

不無明昧昧則乘分小大智勝信法明則特

達理性高超有空斯道昌明如別所顯今論

福者悲敬爲初悲則哀苦趣之艱辛思拔濟而出離敬則識佛法之難遇弘信仰而澄神

千僧會願文

南齊南郡王捨身疏

捨身願跡 沈休文

南齊皇太子禮佛願跋  
沈休文

與林法師書  
至晉王洽

與太山朗法師書并荅

卷之三

弘明集啓福篇第八  
篇附 懈罪

弘明集啓福篇 王該日燭

結業故啓福本擬歷賢明

雖行不著由斯意致位行兩分備則增  
則增道道據逆流出凡入聖福則順生

綠境乃係事情據理惟心爲本故虛懷不繫  
則其福不回於自他倒想未移則作業有乖  
於事用故綿古歷今相從不息王者識形有  
之非我興住持於塔寺餘則因於不足多行  
施以周給是知爲有造業未曰超昇多由起  
過重增生死故云爲有造罪一向須捨爲有  
起福雖行不著由斯意致位行兩分滯則增  
生捨則增道道據逆流出凡入聖福則順生  
與倒結業故啓福本擬歷賢明

四月八日度人出家願文 梁簡文

八開齋制序

梁簡文  
非制十條

爲人造寺疏

梁簡文

謝勑賚袈裟啓三首

梁簡文

爲諸寺作檀越願疏

梁簡文

設無礙福會教

梁蕭綸

答湘東王書

梁簡文

與琰法師書二首

梁簡文

與智藏書

梁元帝

與約法師書

沈約

與印闍梨書

梁劉之遴

與雲僧正書

梁王筠

聚八

與長沙王別書

梁王筠

答雲法師書

梁劉孝綽

北齊遼陽山寺願文

盧思道

北齊武成帝以三臺爲寺詔

魏收

周明帝立陟屺姑二寺詔

李德琳

隋後高祖爲太祖造寺碑詔 李德琳

隋高祖於相州戰場立寺詔

隋煬帝行道度人天下勅

唐太宗於行陣所立七寺詔

唐太宗爲戰士人設齋行道詔

唐太宗度僧於天下詔

唐太宗斷賣佛像勅

與暹律師等書 褚亮

唐太宗捨舊宅爲寺詔

唐太宗爲穆后追福手疏

周武帝二教鐘銘

唐太宗大興善寺鍾銘

唐東宮皇太子西明寺鍾銘

北代魏天子拓跋珪書

皇帝敬問太山朗和尚承妙聖靈要須經略  
已命元戎上人德同海岳神算退長冀助威  
謀克寧荒服今遣使者送素二十端白氈五

十領銀鉢二枚到願納受

晉天子司馬昌明書

聚八

三

皇帝敬問太山朗和尚承寂德光時飛聲東  
嶽靈海廣淹有生蒙潤大人起世善翼匡時  
輒伸經略懸稟妙筭昔劉曜創荒戎狄繼業  
元皇龍飛遂息江表舊京淪沒神州傾蕩蒼  
生荼蓼守在左衽每一念至嗟悼朕心長驅  
魏趙掃平燕代今龍旗方興剋復淮洛思與

和尚同養群生至人通微想明朕意今遣使者  
送五色珠像一軀明光錦五十疋象牙簾  
五領金鉢五枚到願納受

僧朗頓首頓首夫至人無隱德生爲聖非德

非聖何敢有渝忝曰出家栖息塵表慕靜山  
林心悌玄寂靈迹難逮形累而已奉被詔命

遠問山川詔命懇勸實感恩旨氣力虛微未  
堪跋涉願廣開法輪顯保天祚僧朗頓首頓  
首蒙重惠賜即爲施設福力之功無不蒙賴  
貧道才劣不勝所重

燕天子慕容垂書

皇帝敬問太山朗和尚澄神靈緒慈陰百國

慰及應否大晉重基先承孝治惠同天地覆  
養無邊願開大乘申揚道味僧朗頓首頓首  
秦天子苻堅書

皇帝敬問太山朗和尚大聖膺期靈權超逸  
蔭蓋十方化融無外若山海之養群生等天  
地之育萬物養存生死澄神寂妙朕以虛薄

生與聖會而隔萬機不獲輦駕今遣使人安  
車相請庶冀靈光迴蓋京邑今非送紫金數  
斤供鑊形像絹綾三十疋奴子三人可備酒  
掃至人無違幸望納受想必玄鑒見朕意  
僧朗頓首頓首如來永世道風潛倫忝在出  
家栖心山嶺精誠微薄未能弘匠不悟陛下

凡在含生孰不蒙潤朕承藉纂統方夏事膺  
昔蜀不恭魏武含慨今二賊不平朕豈獲安  
又元戎剋興征掃暴亂至人通靈隨權指化  
願兵不血刃四海混伏委心歸誠乂敬何已  
今遣使者送官絹百疋袈裟三領綿五十斤  
幸爲呪願僧朗頓首頓首能仁御世英規

遐邈光敷道化融濟四海貧道忝服道味習

教山林豈惟詔旨諮及國難王者膺期統有六合大能并小自是常倫若葵藿之傾太陽飛步之宗麟鳳皇澤載融群生繫仰陞下高明何思不服貧道窮林蒙賜過分僧朗頓首

南燕天子慕容德書

歸僧朗頓首頓首  
秦天子姚興書

皇帝敬問太山朗和尚勸神復道飛聲映世休問遠振常無已已朕京西夏思濟大猷今關未平事唯左右已命元戎剋寧伊洛冀因斯會東封巡省憑靈伏威須見指授今遣使

聚八

五

皇帝敬問天山朗和尚遭家多難灾禍屢臻

昔在建熙王室西越賴武王中興神武御世

大啓東夏拯拔區域遐迩蒙蘇天下幸甚天

晉王洽

鑒照朕意焉

與林法師書

未忘灾武王即晏永康之始西傾東蕩京華主上播越每思靈闕屏營飲淚朕以無德生在亂兵遺民未幾繼承祿幸和尚大恩神祇

蓋護使者送綰百疋并假東齊王奉高山莊二縣封給書不盡意稱朕心焉僧朗頓首陛下龍飛統御百國天地融溢皇澤載賴善逢高鑒惠濟黔首蕩平之期何憂不一陛下信向三寶恩旨殊隆貧道味靜深山豈臨此位且領民戶興造靈刹所崇像福冥報有所

遲疑莫知所擬今道行指歸通敘色空甚有清致然未詳經文爲有明旨耶或得之於象外觸類而長之乎今衆經甚多或取譬不遠豈無一言昭然易喻古人有云聖人之言可能使人信之不可能是以微之於文未知所釋今故諮其數事思聞嘉誨以啓其疑洽稽

首和南

南齊皇太子禮佛願疏

沈休文

維年月朔日子皇太子諱稽首和南十方諸佛一切賢聖夫至理可祈必懲誠於正覺極妙有感乃歸仰於真如然後取證現前獲驗茲日去歲皇帝暫衡御膳小廢乾行四海震惶百司戰悚諱歷劫多幸夙世善緣忝生王家叨守儲嗣臣子心地倍用焦迫禁門旦啓欣問堅之安寢霏早闡訪鑑夫之宰祇樹獨園伏膺下拜伽藍精舍繞足頂禮百神微衛萬福具臻曾不信宿聖躬和愈豈非三寶之弘慈十号之法力既而天從心欲誠願克果

今於崇正殿奉還法會千僧仍留百僧入關行道又度二士同日出家惟願藉此功德奉資皇帝陛下壽與南山共久年將比極俱長道懋農軒德高堯舜上界八萬之劫可期下方七百之祚未擬元良之位長守膝下之權上嗣之所永保懷袖之愛以茲法田奉中宮

聚八

六

皇后殿下福履攸善無思不届天母之德厚載不能加任姒之盛坤儀寧足匹末及諸王妃主宮掖嬪房未來因緣過去眷屬並同茲辰預此慈善又普爲積苦餓鬼受罪畜生三途八難六道十惡水陸蠢動山藪翾飛濕生化生有想無想皆藉今日慈悲咸蓬浣濯人

天攝受幽顯證明庶憑衆力共相津濟謹蹠捨身願疏

沈約

優婆塞沈君敬白十方三世諸佛本師釋迦如來安養阿彌陀世尊云云一切衆聖今日道俗諸大賢德夫形非定質衆緣所聚四微不同風火亦異析而離之本非一物燕肝越

瞻未足爲譬靜念求我無時可得而積此淪  
昏生生不已一念儻值曾未移時障習相蕩  
旋迷厥路橫指空呼名之爲有豐已傷物日  
夜靡休蓄身外之財以充其慾攘非已之分  
用成其侈豈直溫肌鬯腹若此而已哉至於  
積篋盈藏木甞登體溢俎充庖旣歠斯棄曾

不知粟帛所從事非因已悠悠黔首同有其  
分離多共寡猶或未均我若有餘物何由足  
仁者之懷不應若此侵他之財世稱爲盜盜  
之甚者孰過於斯幽顯推求無一或可君仰  
藉時來以乘休運玉粒晨炊華燭夜炳自此  
迄今歷年三十遂乃服冕榮國裂土承家潤

聚八

七

盈身已慶流僕妾室非懸罄俸有兼金救寒  
止於重裘而笥委餘襲冬夜旣蒙累贋而櫝  
有贏衾自斯已上侈長非一雖等彼豪家其  
陋已甚方諸寢室所邁寔多悟此非常事由  
諸佛有懷捨散宜光道場飢寒困苦爲患乃  
切布滿州縣難悉經緣其當稱力因事一旦

隨年頭目髓腦誠難輕慕虧已瞻物未易頓  
行誓欲廣念深恩積微成著施路檀門冀或  
能踐以大梁天監之八年年次玄枵日殼鳥  
度夾鍾紀月十八在於新所創蔣陵皇宅請  
佛及僧尼昇祇樹息心上士凡一百人雖果  
謝菴園鉢非香國而野粒山蔬可同屬饜兼

捨身資服用百有一十七種微自捐撤以奉  
現前衆僧夫室家患苦刀俎非切制除蕭散  
形質超然蠹彼群生咸有佛性不因翦削此  
路莫由緣業舛互世諦煩記變形改飾即事  
爲難故關以八支導彼清信一日一夜同佛  
出家本弘外敎事非僧法而出情乖舛同迷

斯路招屈名僧寘之虛室主人高卧取逸閑  
堂呼爲八關去之寶遠雖有供施之緣而非  
斷漏之業約今謹自即朝至于明旦排遣俗  
累一同善來分留上德勗成微志藉此輕因  
庶證來果功德之言非所敢及

南齊南郡王捨身疏

沈約

弟子蕭王上白諸佛世尊道德僧衆夫色固無象觸必歸空三世若假八微終散雖復迴天覆地之威窮於寂滅齊冠楚組之麗靡救埃壤而嗜慾易繁每疚心術捨施難弘用迷假照弟子樹因曠劫嚮報茲生託景中璇聯華日彩玉組夙糴著麾早建蘭池紫燕之乘擾於外閑黼帳翠帷之飾光於中寢徒以心源尚滯情路未昭識謝兼忘理慙獨悟不能叶調五氣綏御六神霜暑或褰風露時舛是以敷襟上寶栖誠妙覺敬捨肌膚之外凡百一十八種當令經衛夙理府給時順萬祉雲翔百妖窮滌望北極而有恒瞻南山而同永

聚八

八

又願宸居納祐則天均慶少陽介福儼日承休儲妃闡膺祥之符皇枝廣惟祺之祚敬飾崇甍嚴置寶幄仰延息心旁旅清信勗茲弘誓證其幽疑庶可以感降禎和招對靈應玄塗匪昧要之無爽

千僧會願文

沈休文

弟子沈約上白十方諸佛十方諸大聖今日見前衆僧三界非有五陰皆無四倒十纏共相和合一切如電揮萬劫於俄頃丘井易淪終漂沉於苦岸迷途遠弱喪志歸區區七尺莫知其假耳目之外謂爲空談靡依靡歸不信不受生靈一謝再得無期約所以撫心自惻臨踐非譬者也至聖凝寂無迹可尋緣應所感事惟拯物持鉢安行出彼祇樹不逾停午以福衆生芳塵餘法城然未改約以往夏遘罹疴疾帝上哀矜深垂愍慮以月次徂暑日在丙寅仰會千僧於其私宅隆茲重施弗知所限既已奉祗洪德又思自罄家財一舉盈千力難私辦稍而後滿事或易充草堂約法師於所住山寺爲營八集其一仰憑上定林寺祐法主今月二十九日第十會集百僧於所割田廬福不唐捐聞之經訓心路皎然又過於此凡有涓毫應證來業無巨無細咸歸聖主仰願十方共明此誓豈足少酬天

聚八

九

卷蓋以微寄誠心云尔

四月八日度人出家願文

梁簡文

弟子蕭綱以今日建齋設會功德因緣歸依  
十方盡虛空界一切諸佛歸依十方盡虛空  
界一切尊法歸依十方盡虛空界一切聖僧  
竊聞涅槃經言身如畫水隨畫隨合是身不

淨九孔常流凡夫愚人常行味著愚癡羅刹  
止住其中又如瑞應經言沙門之爲道也捨  
家妻子捐棄愛欲斷絕六情守戒無爲其清  
淨得一心者則萬邪滅矣一心之道謂之羅

漠聲色不能染榮位不能屈難動如地以免  
憂苦故知出思愛獄薄俗爲難善來比丘其  
福深重弟子以此因緣今日度人出家願一  
切六道四生常離愛欲求拔無明根削遣閻  
惑心修習般若慧足踐輕輪之光口說懸珠  
之辯被忍辱鎧秉智慧刀乘菩薩車坐如來  
座結纏披解頂相光明戒因清白後報尊重  
所有果業皆悉勝出受持法藏爲佛真子一

切道行皆悉能行一切大誓不休不息仰願

十方盡虛空界一切諸佛仰願十方盡虛空  
界一切尊法仰願十方盡虛空界一切聖僧  
咸加證明又仰願十方盡虛空界一切諸天  
仰願十方盡虛空界一切諸仙仰願十方盡  
虛空界一切聰明正直守護一切善神又願

今日見前幽顯大衆咸加證明今日誓願使  
弟子蕭綱得如所願滿菩提願一切衆生皆  
悉隨從得如所願

八關齋制序

梁簡文

夫五宅易昏四流不泊業動心風情漂愛燄  
自非識達眞空照靈珠於難曉神緣妙境蓄  
慈根於未化無以却此四魔登茲十善今列  
建肅靜高宇閑邃香吐六銖烟浮五色自對  
金容耳食玉韻無容使情緣異染形不肅恭  
類倚於鴛宮同力於羊角宜制此心蛇祛斯  
醉象立制如左咸勉聽思謹條八關齋制如左  
睡眠籌至不覺罰禮二十拜擎香鑪聽經三

聚八

契一 出不請刺罰禮十拜二

出過三契經不還罰禮十拜三

鄰座睡眠維那至而不語者罰禮十拜四  
鄰座睡眠私相容隱不語維那者罰禮十拜五  
維那不勤聽察有犯制者不即糾舉爲衆座  
所發覺者維那罰禮二十拜擎香鑪聽經三

契六

白黑維那更相糾察若有阿隱罰禮二十拜七  
聽經契終有不唱讚者罰禮十拜八

請刺無次第罰禮十拜九

請刺白黑刺有誤者罰禮十拜十

爲人作造寺疏 梁簡文

郢州某甲敬白竊以布金須達表精舍於給  
園影石仙人造伽藍於離越莫不事表區中  
心憑真外但四繩惑惱去善源而無滌五濁  
重蠻非慧刃而安揮故以愍彼濕薪傷茲滴  
器今於郢州某山爲十方僧建立招提寺榮  
負郊原面帶城雉枕倚巖壑吐納煙雲重門

洞啓未創飛行之殿步擋中霑猶寡密石之  
功嚴飾之理難階瓶鉢之資已罄道俗儻能  
微留善念薄獎勝緣則事等觀香義同錫乘  
昔人修檀手兩七寶前賢薄施掌出雙金福  
有冥移言無多遜謹跋

謝勅賚納袈裟啓

聚八

十一

臣綱啓殿師吳苗奉宣

勅旨垂賚鬱泥細納袈裟一緣分同妙葉界  
寫長塍拂石慙華裁金非重是日新染厥惟  
田服方使幽貞芳杜恥緝芙蓉仙客排雲蓋  
裳飛羽穢食凡軀無明暗識叨恩每重荷澤  
難勝不任銘戴之至謹奉啓事謝謹啓

謝賚袈裟啓

臣綱啓蒙賚鬱泥納袈裟一緣有鍼秦縷因  
製緝而成文魯縞齊紈藉黎黎而受彩初開  
篋笥便覩舍衛四疇不出戶庭坐視南山勝  
陌竊以三銖輕輒稱美服於淨居千金巨麗  
得受用於迦葉而湛恩特被萃此愚躬霜降

授衣曲澤便及喜溢心崖如從空中所墜忽  
不自知更謂寶支所出采擇四色事非離世

鉤蘭兩葉殊澤實隆不任荷戴之至謹啓事

謝聞謹啓

謝勅齋袈裟答

臣綱啓宣傳左右俞景茂奉宣勅旨垂齋鬱

泥真納九條袈裟一緣精同織縷巧均結毳  
邁彼良疇成斯妙服雖復貴比千金輕踰二  
兩無以匹此洪恩方斯殊賚臣卧疾累旬未  
堪行踐不獲即被新染陪侍寶坊塵緣穢體  
愧荷相集不任慙悚之至謹啓事謝聞謹啓  
爲諸寺檀越疏 梁簡文

菩薩戒弟子蕭綱歸依十方盡虛空界一切  
諸佛歸依十方盡虛空界一切尊法歸依十  
方盡虛空界一切聖僧積習長夜輪轉覆亥  
末劫易危煩流難拯不樹兩門豈修二翼常  
恐虛蕉染惑來結駛河愛藤懸網長垂苦岸  
敢承三寶覺悟之力於幽顯前發弘誓願今

願爲武當山太平寺并此鎮望楚白塔同安

習善延明頭陀土鳳林下鳳林廣嚴等寺皆

盡形壽永爲檀越雖七寶四事多謝往賢一

念片言庶符般若方類不滅之燈終非起煙

之蜜以此功德仰福皇帝春官家國內外咸

同此善乃至天龍八部六道四生普皆蒙福

聚八

士

設無礙福會教

梁蕭綸

僚紀大士廣濟義非爲已導弘群生種種方  
便所以虛己樂靜表之內經礎乎難拔著自  
外典又加獨往斯意足論隱不隔真乃爲菩  
薩廬山東林寺禪房智表法師德稱僧傑實  
号人龍懷道守素多歷年所不爲事屈不爲

時伸上下無常一相無相遂能捨彼耆闌來  
遊垢濁興言一面定交杵曰余以薄德謬臨  
大邦教義未聞貴賢摠至昔綺季之出漢年  
樊許之興唐日茲迺聖主流慈天澤滂被異  
人間出復在此辰不勝舞蹈帝之恩普也剋  
今月十日於栖賢寺設無礙會并致敬開士

躬詰勝福下達餐道凡厥民隸爰及庶士罔不率從咸皆請業上答乳慈永同彼岸外依事宣行

答湘東王書

梁簡文

暮春美景風雲韶麗蘭葉堪把沂川可浴弟召南寡訟時綴甘棠之陰冀州爲政暫止褰

襜之務唐景薦大言之賦安太述連環之辨盡遊玩之美致足樂耶吾春初卧疾極成委弊雖西山白鹿懼不能齋子豫赤丸尚憂未振高卧六安每思扁鵲之間靜然四屋念絕修都之香豈望文殊之來獨思吳容之辯屬以皇上慈被率土甘露聿宣鳴銀鼓於寶坊

聚六

十三

轉金輪於香地法雷驚夢慧日暉朝道俗輻湊遠邇畢集聽衆白黑日可兩三萬獨以疾障致隔聞道豈止楊僕有關外之傷周南起留滯之恨第十三日始侍法筵所以君長近還未堪執筆敬袒前邁裁欲勝衣每自念此愍然失慮江之永矣寤寐相思每得弟書輕

病遣疾尋別有信此無所伸

與琰法師書

梁簡文

五翳消空韶光表節百華異色結綵成春道體何如恒清宜也對玩清虛既在風雲之表遊心入理差多定慧之樂弟子俗務紛糾勞倦特深睠然北嶺欽賢已積會遇之期庶必

可辱有緣之儔事等飢渴佞性來儀一日三歲想思弘利益理當無爽指遣此信無述寸衿綱和南 旦來雨氣殊有初寒攝衛已父轉得其力雖他方法界略息化緣祇洹之裏恒有語對眷佇之深無時不積久因倩師頻述方寸不知巧笑之僧頗爲津及不耳前

昨已來微事義聚龍象畢同應供皆集慧炬開心甘露入頂聞之善謹特盡歡怡想味之懷轉復無極昔幼年經聞制旨受道日淺比面未深雖異禪那事同花水今改西下特蓄本心訪理質疑屬在明德不謂般若留難現疾未瘳問津無地歎恨何已伏承輿駕尋幸

伽藍冀於此時得一觀止辯論青丘之房遣  
惑赤花之舍追往年之宿眷述即日之寸心  
此事必期冀非爽指遺茲承問佇有還書網  
和南

與劉智藏書

梁元帝繹

菩薩蕭法車置郵大士劉智藏侍者自林宗  
遄反玄度言歸以結元禮之心弥益真長之  
歎故以臨風望美對月懷賢有勞寤寐無忘  
興寢方今玄冥在節歲聿云遒日似青縵雲  
浮紅葉清臺炭重北宮井溢想禪悅爲娛稍  
待九次成誦之功轉探三密山間芳杜自有  
松竹之娛巖穴鳴琴非無薜蘿之致修德之

聚八

古

暇差足樂也昔韓梅兩福求羊二仲鄭林騰  
名於馮翊周黨傳芳於太原或有百溢可捐  
千金非貴松子爲餐蒲根是服未有高蹈真  
如歸宗法海梵王四鶴集林禦而相鳴帝釋  
千馬經丘園而踢步有一於此猶或稱奇兼  
而揔之何其盛也故知南臨之水已類呂梁

之川北眺之山弥同武安之嶺豈復還思漱  
浦尚想彊臺瞻彼漢池載懷荒谷以此相求  
心可知矣僕父厭塵邦本懷人外加以服膺  
常住諷味了因弥用思齊每增求友常欲登  
却月之嶺蔭偃蓋之松挹璇玉之源解蓮華  
之劔藩維有限脫屣無由每坐向詡之牀恒  
思管寧之榻夢匡山而太息想桓亭而延佇  
白雲間之蒼江不極未因抵掌我勞如何想  
無金玉數在郵示弱水難航猶致書於青鳥  
流川弗遠佇芳音於赤玉鶴望還信以代言  
蘇得志志言此寧多述法車叩頭叩頭

與約法師書

沈約

周中書風趣高奇志託夷遠真情素韻水桂  
齊質自接彩同栖年逾一紀朝夕聯事靡日  
暫違每受沫言休逍遙寡務何嘗不北茨遊  
覽南居宴宿春朝聽鳥秋夜臨風匪設空言  
皆爲實事音容滿目言笑在耳宿草旣陳檄  
櫛將合眷往懷人情不勝慟此生篤信精深

聚八

十五

甘此藿食至於歲時包籠每見請求凡厥菜品必令以薦弟子輒斬而後與用爲歡謔其事未遠其人已謝昔之諧調倏成悲緒去冬禁指遣恭送以充蔬僧一飯法師與周情期契闊非止恒交覽物存舊弥當楚切痛矣如

何往矣柰何弟子沈約和南

興印閣梨書

梁劉之遴

大喜稽首和南大喜精誠無感奄丁禍罰攀號永往五內屠鱠自各自悼萬歿何補慈母臨終正念不亂繫想諸佛及本師至平壽盡凡夫戀著母子恩深嬰此長別肝心破瀆不能自任遺旨以三十兩上金奉別充道場功德九月二十八日奉營安厝終始永畢不可復希長號懊惱無心苟存伏度聞問理垂哀愍所希運心救拔必使亡靈遊於淨土不圖此啓臨紙崩絕大喜和南

與雲僧正書

梁王筠

弟子孤子筠頓首稽首和南弟子疊結幽明備嬰荼蓼攀援崩踊肌髓糜潰尋繹煩冤肝腸寸斷號天叩地永隔精誠捨命捐軀終無補益思欲仰福廣爲法事以伸罔極之痛少寄追慕之誠鑄像度僧仰遵法教建齋設會務依經典敷說大乘誘度群生其福不淺仰惟大正法師道心純淑至德凝深智包空有照通真俗多聞不窮機辯無礙一代師匠四海推崇弟子宿植善因早蒙親眷情同骨肉義等金蘭外書所謂冥契神交內典則爲善友知識敬藉微緣敢陳大願來歲夏中欲仰請講說弘法之情旣無彼此眷愛之深特希降屈公私道俗要請旣多故預諮聞必願允遂豈圖一旦忽有斯白臨紙崩劙厝言無次弟子孤子王筠頓首稽首和南

與長沙王別書

梁王筠

筠頓首頓首高秋淒爽體中何如願比勝納承入東禮拜用深傾仰昔藩后遨遊不無是

事或龍舟水嬉或臨川送遠撻金飛旆況此  
安流猶復見重良書以爲盛德未有選日簡  
辰歸誠繫念尋法城之遊逗祇園之聚翹心  
讚歎無以譬說僕風疾增瘠蹇廢蓬門不獲  
執籬弥深傾懸願敬勗白書不次王筠頓首  
頓首

答雲法師書

梁劉孝綽

孝綽和南辱誨垂示勅旨所答劉太僕思効  
啓義窮深遠語兼巧便伏聞希有身心踊躍  
昔戈盾夾車備不虞於周后兵旗引駕防未  
然於漢君斯皆執心黃屋瑞無紺馬事極寰  
宇之中理隔天人之外皇上自茲善覺降迹  
閭浮以住地之心行則天之化故能慈導三  
有仁濟萬物猶以法藥未周寶船不倦解効  
却蓋躬詣道場瑞花承足人觀彤輦之盛金  
輪啓路物觀重英之飾顯實開權事均祇鷲  
本無四畏寧慮五怨思効遂膚引梁丘隨効  
之說日碑觸瑟之辭何異迴龍象於兔徑注

江海於牛跡聖旨懲勸曲相誘喻豈直淨一  
人垢衣將以破群生之暗室弟子世傳正見  
幼覩真言但惑網所縛塵勞自結微因宿植  
仰逢法教親陪寶座預饗香鉢復得俱聽一  
音共聞八解庶因小葉受潤大雲猥蒙開示  
深自慶幸不勝歡喜略附陳誠劉孝綽和南

聚八

十七

遼陽山寺願文

盧思道

齊興二十有三載區宇乂安列聖重光百神  
受職天平地成禮諧樂暢効戰云鑄江海無  
波皇帝體膺上哲運鍾下武以至德字黔首  
大明臨赤縣深仁俯漏惠化潛通榮鏡六幽  
照蘇八表唐旌已立芻輿不遠而至殷綱既

孰明珠項受甘露調御天人不徇巖廊之重  
明行具足寧肩裘冕之尊十力四心東漸西  
被日月出矣風雨潤之曆門鮑肆化成嚴淨  
之所蜉蝣蟻蚋網於仁壽之域參墟奧壤王  
迹所基密都是宅別館攸在襟帶遐長原陸  
英秀高巖鬱起作鎮東偏峯羅群玉驚頭之

狀非美樹列三珠雞足之形可陋洞穴條風  
生和雅之曲圓珠積水流清妙之音于時玉  
燭調年命商在律職方具禮効駕西巡六龍  
齊轡七萃按部雷動雲移璇鑾佇蹕乃建仁  
祠于彼勝地成之不日既麗且康昔周夜初  
明漢池云鑿事隔荒裔道若存亡哲王歎曆

弘濟區有前聖後聖旦暮爲期以此勝因仰  
爲武成皇帝及清廟聖靈願西遇弥陀上征  
堯率雄視三界高臨四衢百年之神俯輕群  
邁塗山壽比太陰業均厚載聖主齊明兩曜  
含德二儀受錄錯於靈河開金簡於仙嶽龍

官鳥紀未可匹其光大像天任地焉能喻其  
長父皇太子德茂元良道高上嗣牢籠啓誦  
孕育莊丕六宮眷屬諸王昆弟皆智慧莊嚴  
玉華松茂永侍披香長固磐石以茲博利被  
於萬品當使法界虛空生靈動植俱沐定水  
同蔭法雲斯誓或差無取正覺

(聚八)

(十八)

北齊武成帝以三臺宮爲大興聖寺詔魏收  
門下皇居帝邑揆日瞻星仍雉有常凡席斯  
在雖今古推移文質代變而成世作範義貴  
適時朕奄家四海作孚萬國當陽負扆深存  
庇暉濟下利物無忘懷抱昭仁訓俗不遺造  
次今臨嚮聽朝咸極崇廣宴息之所不足溫  
華每謂爲之者勞居之者逸至於離宮別館  
有時遊幸耳目所及聊可忘懷而乃千門洞  
啓萬柱周架上迫雲漢下臨雷雨巧極金銅  
麗殫珠璧眷然長想良非宿心三臺並列蕪  
宏博有司過實匠人逞功珉庶勞止靡費難

量既非殿寢正所便爲虛衛之地凝華生白  
經歷歲年不翦茅茨事頗逼下卑其宮室有  
可庶幾額茲侈麗豈伊寧處自魏朝失政九  
域崩離人神無主寶求明聖我太祖獻武皇  
帝握茲乾紀巍斯地綱懸持日月鬪風雲  
紀忠貞以成務感靈微而大造爰以克定之

初躬圖道場之業神迹冥果理燭幽明朕聞  
膺寶祚永惟家祉仰祇先志尚竦玄門忍展  
聿修之重念歸喜捨之大肌膚匪恠國城何  
寶期濟率土至於圓極可以二臺宮爲大興  
聖寺此處極土木之壯窮丹素之妍奇怪備  
於刻削光華畢於圖彩願使靈心勝蠻神物

十九

聚八

奔會真覺唯寂有感必通化爲淨土廣延德  
衆心若瑠璃法輪常轉灑甘露於大千照慈  
燈於曠劫

後周明帝修起寺詔

制詔孝感通神瞻天罔極莫不布金而構祇  
洹流銀而成寶殿方知鹿苑可期鶴林無遠

敢緣雅頌仰藉莊嚴欲使功侔天地興歌不  
日可令太師晉國公總監大陸姑大陸妃二  
寺營造

隋文帝爲太祖武元皇帝行幸四處立寺建

碑詔

李德林

門下風樹弗靜隙影如流空切欲報之心徒

有終身之慕伏惟太祖武元皇帝窮神盡性  
感穹昊之靈膺錄合圖開炎德之紀魏氏將  
謝躬事經綸周室勃興同心匡贊間關二代  
造我帝基猶夏禹之事唐虞晉宣之輔漢魏  
往者梁氏將滅親尋撫禍蕭察稱兵擁衆據  
有襄陽將入魏朝狐疑未決先帝出師樊鄧

飲馬漢濱彼感威懷連城頓顙隋郡安陸未  
即從風敵人騁輔車之援重城固金湯之守  
乃復縛卒簡徒一舉而剋始於是日遂啟漢  
東蕭繹往在江陵後梁稱制外通表奏陰有  
異圖心迹之間未盡臣節王師薄伐帝旅推  
鋒誅厥放命繼其絕視有齊未亡凶徒孔熾

連山巨防艱危多重晉水之陽是其心腹於  
是鳴謨執鉞假道北隣皮服欽風煙隨霧集  
懸兵万里直指參墟左榮右拂麻積草靡雖  
事未既功而英威大振齊人因以挫劙周武  
賴以成功尚想王業之勤遠惟風化之始率  
夷狄而制東夏用偏師而取南國豈徒湯征

葛伯周伐崇侯而已哉積德累功福流後嗣  
俾朕虛薄君臨區有追仰神猷事冥真寂降  
生下土權變不常用輪王之兵伸至人之意  
百戰百勝爲行十善故以干戈之器已類香  
華玄黃之野久同淨國思欲崇樹寶刹經始  
伽藍增長福因微副幽旨昔夏因導水尚且

聚八

二十

爲禍始或驅逼良善或同惡相濟四海之內  
過半豺狼非庶之廣咸憂吞噬朕出車練卒  
蕩條妖醜誠有倒戈不無困戰將士奮發肆  
其威武如火燎毛殆無遺燼于時朕在廊廟  
住當朝宰德慤動物民陷網羅空切罪己之  
誠唯增見辜之泣然兵者凶器戰實危機節  
義之徒輕生死于干戈之下又聞殂落興言  
震悼日久逾深求念群生蹈兵刃之苦有懷  
至道興度脫之業物我同遇觀智俱愍思建  
福田神功祐助庶望死事之臣菩提增長悼  
造之侶從闇入明並究苦空咸拔生死鯨鯢  
之觀化爲微妙之臺龍蛇之野求作頗梨之

銘山周曰巡遊有聞勒石帝王紀事由來尚  
矣其襄陽隋州江陵晉陽並宜立寺一所建  
碑頌德庶使莊嚴寶坊比虛空而不壞導揚

茂實同天地而長久

隋高祖於相州戰場立寺詔

門下昔歲周道旣衰群凶鼎沸鄴城之地寔

鏡無邊有性盡入法門可於相州戰地建伽  
藍一所立碑紀事其營構制度置僧多少寺  
之名目有司詳議以聞

隋煬帝行道度人天下勅

大業三年正月二十八日菩薩戒弟子皇帝  
總持稽首和南十方一切諸佛十方一切尊

聚八

廿一

法十方一切賢聖僧竊以妙靈不測感報之理遂通因果相資機應之徒無爽是以初心爰發震動波旬之宮一念所臻咫尺道場之地雖則聚沙蓋鮮實覆蕪於青山水滴已微乃濫觴於法海弟子階緣宿殖嗣膺寶命臨御區宇寧濟蒼生而德化弗弘刑罰未止万

方有罪寔當憂責百姓不足用增塵累夙夜戰兢如臨淵谷是以歸心種覺必冀慈愍謹於率土之內建立勝緣州別請僧七日行道仍揔度一千人出家以此功德並爲一切上及有頂下至無間蜎飛蠕動預稟識性無始惡業今生罪垢藉此善緣皆得清淨三塗地

士凶徒隕身戎陣者各建寺刹招延勝侶望法鼓所震變炎火於青蓮清梵所聞易苦海於甘露所司宜量定處所并立寺名支配僧徒及修造院宇具爲事條以聞稱朕矜愍之意

破薛舉於幽州立昭仁寺

獄六趣怨親同至菩提一時作佛  
唐太宗於行陣所立七寺詔  
門下至人虛已忘彼我於脣襟釋教慈心均異同於平等是知上聖惻隱無隔萬方大悲弘濟義猶一子有隋失道九服沸騰朕親揔元戎致茲明罰誓牧登陑曾無寧歲其有桀

聚八

破霍老生於台州立普濟寺  
破宋金剛於晉州立慈雲寺  
破劉武周於汾州立弘濟寺  
破王世充於芸山立昭覺寺  
破竇建德於鄭州立等慈寺  
破劉黑泰於洛州立昭福寺

大愚惑嬰此湯羅銜鬚義憤終于握節各徇所奉咸有可嘉日往月來逝川斯遠雖復項目象猶恐九泉之下尚淪鼎鑊入難之間永纏冰炭愀然疚懷用忘興寢思所以樹立福田濟其營魄可於建義已來交兵之處爲義

右七寺並官造又給家人車牛田莊  
并立碑頌德

唐太宗爲戰亡人設齋行道詔

門下刑期無刑皇王之令典以戰止戰列聖  
之通規是以湯武干戈濟時靜亂豈其不愛  
黔首肆行誅戮禁暴戢兵蓋不獲已朕自隋

未創義志存拯溺北征東伐所向平殄然黃  
鉞之下金鏃之端凡所傷殞難用勝紀雖復  
逆命亂常自貽殞絕惻隱之心追以愴恨生  
靈之重能不哀矜悄然疚懷無忘興寢且釋  
氏之教深尚慈仁禁戒之科殺害爲重承言  
此理弥增悔懼今宜爲自征討已來手所誅

翦前後之數將近一千皆爲建齋行道竭誠  
禮懺朕之所服衣物並充檀捨冀三途之難  
因斯解脫萬劫之苦藉此弘濟滅怨障之心  
趣菩提之道

唐太宗度僧於天下詔  
門下三乘結轍濟度爲先八正歸依慈悲爲

主流智慧之海膏潤群生翦煩惱之林律梁  
品物任真體道理叶至仁妙果勝因事符積  
善朕欽若金輪恭膺寶命至德之訓無遠不  
思大聖之規無幽不察欲使人免蓋纏家登  
仁壽冥緣顯膺大庇含靈五福著於洪範三  
災終於世界比因喪亂僧徒減少華臺寶塔  
聚八廿三

窺戶無人紺髮青蓮擣風沐雨眷言凋毀良  
用慄然其天下諸州有寺之處宜令度人爲  
僧尼總數以三千爲限其州有大小地有華  
夷當處所度少多委有司量定務取精誠德  
業無間年之幼長其往因減省還俗及私度  
白首之徒若行業可稱通在取限必無人可  
取亦任其闕數若官人簡練不精宜錄附殿  
失但戒行之本唯尚無爲多有僧徒溺於流  
俗或假託神通妄傳妖怪或謬稱醫筮左道  
求財或造詣官曹鬻致賊賄或鑽膚焚指駁  
俗驚愚並自貽伊戚動推刑網有一於此大  
虧聖教朕情深護持必無寬捨已令依附內

律參以金科具爲條制務使法門清整所在  
官司宜加檢察其部內有違法僧不舉發者  
所司錄狀聞奏庶善者必採惡者必斥伽藍  
淨土咸知法味菩提覺路絕諸意垢

唐太宗斷賣佛像勅

勅旨佛道形像事極尊嚴伎巧之家多有造  
鑄供養之人競來買贖品藻工拙揣量輕重  
買者不計因果止求賤得賣者本希利潤唯  
在價高罪累特深福報俱盡違犯經教並宜  
禁約自今已後工匠皆不得預造佛道形像  
賣鬻其見成之像亦不得銷除各令分送寺  
觀令寺觀徒衆酬其價直仍仰所在州縣官  
司檢校勅到後十日內使盡

與退律師等書

褚亮

竊伏下風父揖高義有懷靡託於邑良深眷  
慕清和道體休納弟子植生多幸早預法緣  
近於華岳創立僧宇此山蘊蓄奇秘控接煙  
霞削峯累仞靈泉百丈神仙以爲勝也賢哲

之所同歸結構雖淹禪誦猶寡厥道興廢弘  
之在人且棟梁三寶必資龍象之力羽儀四  
衆尤待駕鷲之群法師等學洞經典譽宣真  
俗實宜共化蒼生昇於彼岸且遠人屈已存  
乎應物大德忘名唯在伸教理必弘濟無隔  
遐邇仰願俯從微請降迹來儀則釋遠禪居  
聚八

廿四

廿四

造興聖寺詔

貞觀三年

門下昔丹陵啓聖華緒降祥叶德神居克隆  
鴻業朕丕承大寶奄宅域中遠藉郊禋之慶  
仰惟樞電之祉思園之禮既弘撫鏡之情徒  
切而永懷慈訓欲報無從靖言因果思憑冥  
福通義宮皇家舊宅制度弘敞以崇仁祠敬

僧靈祐宜捨爲尼寺仍以興聖爲名庶神道  
無方微伸凱風之恩主者施行

爲太穆皇后追福願文 文帝手疏  
貞觀十六年五月御製願文致弘福寺曰聖

哲之所尚者孝也仁人之所愛者親也朕幼  
荷鞠育之恩長蒙撫養之訓蓼莪之念何日  
云忘罔極之情昊天匪報昔子路歎千鐘之  
無養虞丘嗟二親之不待方寸亂矣信可悲  
夫每痛一月之中再羅難夜興言永慕哀切  
深衷欲報靡因唯憑冥助敬以絍二百疋奉

慈悲大道儻至誠有感冀銷過往之愆爲善  
有因庶獲後緣之慶

大周二教鍾銘

皇帝製

天和五年歲次攝提五月丙寅造鍾一口治  
昆吾之石練若溪之銅郢匠鴻爐化茲神器  
雖時屬斐賓而調諧寅則故春秋外傳曰所

聚八

廿五

以詠歌九則平民無二弘宣兩教同歸一揆  
金石冥符天人咸契九宮九地遙徹洞玄三  
千大千遠聞邊際銀閣應供延法侶而尋聲  
金闕降真俟仙冠而聽響式傳萬古迺勒銘  
云 實際遐曠通玄洞微化緣得業造理因  
機靈圖降彩慧日垂暉金河霧集銀澗雲飛

其九霄仙籙五岳真文智煙遐照禪林遠熏  
金鼓入夢瓊鐘徹雲音調冬立響召秋分其  
二教並興雙鑾同振遠赴天霜遙虧地鎮陝  
河浮影漢溪傳韻聽響弘法聞聲起信琪波  
若無底重玄有門長開久暗永拔沉昏不求  
正覺莫會天尊唯全智海先度黎元其四

大唐興善寺鍾銘

皇帝道叶金輪示居黃屋覆燾萬方舟航三  
界欲使雲和之樂共法鼓而同宣雅頌之聲  
隨梵音而俱遠乃命鳩氏範茲金錫響合風  
雷功侔造化騰驤猛蜃負鑿業而將飛宛轉  
盤龍繞乘風而如動希聲旦發捷槌夕震莫

不傾耳以證無生入神而登正覺圓海有竭  
福祚無窮方石易銷願力無盡

京師西明寺鍾銘

令製

維大唐麟德二年歲躔星紀月次降婁二月  
癸酉朔八日庚辰 皇太子奉爲  
二聖於西明寺造銅鐘一口可一萬斤發漢

水之奇珍採蜀山之秘寶虞倕練火晉曠飛  
鑪帶龍虛而騰規應鯨桴而寫製聲流九地  
遐宣厚載之恩韻徹三天遠播曾旻之德寢  
群生於覺路警庶類於迷塗業擅香垣功齊  
塵劫式旌高躅敢勒貞金頌其銘曰

青祇薦祉黃離降精渴川毓德瑞嶺飛英吹

銅表性問寢登情興言淨業載啓香城七珍  
交鑄九乳圓形翔龍若動偃獸疑驚制陵周  
室規踰漢庭風飄旦響霜傳夜鳴仰延皇祚  
俯導蒼生聲騰億劫慶溢千齡

廣弘明集悔罪篇序

聚八

終南山釋氏道宣撰

廿六

夫福曰富饒罪稱摧折富則近生四趣厚報  
榮祿滿於目前遠則三聖勝相資用豐於群  
有至於罪也返此殊途良由沉重貪瞋能獲  
果登苦楚所以罪業綿亘勞歷聖凡凡惟罪  
聚不足討論綸網正行事該小學致使須斯  
二果尚弊於怒癡羅漢漏盡猶遭於碎體是

聚八

明悔過之宗轄焉

廣弘明集悔罪篇第九

謝勑爲建涅槃懺啓

六根懺文

悔高慢文

懺悔文

梁簡文

同上

沈約

知無始故業遂分段而追徵有爲積障望變  
易而迴首自古正聖開喻滋彰時張四惑乃  
三三九品欲使隨念翦撲豈得縱以燎原然  
以煩惱增繁難爲禁制勃起忽忘早樹根基  
過結已成追悔無已但以諸佛大慈善權方  
便啓蹤往各導引精靈因立悔罪之儀布以

自新之道既往難復覆水之喻可知來過易  
收補浣之方須列遂有普賢藥上之侶分衢  
而廣斯塵道安慧遠人儕命駕而行茲術至  
於侯王宰伯咸仰宗科清信士女無虧誠約  
昔南齊司徒竟陵王制布薩法淨行儀其類  
備詳如別所顯今以紙墨易繁略列數四開

陳群臣請陳武帝懺文

梁陳皇帝依經悔過文

江揔一  
名沈炯十首

謝勑爲建涅槃懺啓

梁簡文

臣綱啓伏聞勑旨垂爲臣於同泰寺瑞應殿  
建涅槃懺臣障雜多災身穢饒疾針艾湯液  
每蹠天覽重蒙曲慈降斯大福冀慧雨微垂

即滅身火梵風纔起私得清涼無事非恩伏  
枕何答不住下情謹奉啓謝聞謹啓

六根懺文

梁簡文

今日此衆誠心懺悔六根障業眼識無明易  
傾朱紫一隨浮染則千紀莫歸雖復天肉異  
根法慧殊美故因見前境隨事起惡今願捨

此肉眸俱瞬佛眼如抉目王見淨名方丈之  
室多寶踊塔之瑞牟尼鷲岳之光彌勒龍華  
之始常遊淨土永步天宮

耳根闇鈍多種衆惡悅染絲歌聞勝法善音  
昏然欲睡聽鄭衛淫靡聳身惻耳知勝善之

事樂之者希淫靡之聲欣之者衆願捨此穢  
耳得彼天聰聞開塔關鑰之聲彈指聲咳之  
響諸佛所說悉皆揔持香風淨土之聲寶樹  
鏗鏘之響於一念中悅然入悟

鼻根過患彌復頑嚚耽染六蘭流連百和鬱  
金易著瞻蓄難排雖復一薰一蕕叶性難遣

空中海上彌不自覺至如彌爐在彼翠霧飛  
煙識染相牽彌生穢累所以螂蛆甘帶自謂  
馨香鳥鴟嗜鼠不疑穢惡今願捨此鼻根得  
彼天受振裳驪步跨栴檀之迦林提囊拭鉢  
捧香積之寶飯長離穢濁永保清昇

舌根障重染惡尤深毒刺爭興惡颶競起既  
貪五黃六禽之旨又甘九鼎八珍之味所以  
焚山破卵涸水枯鱗龜臚不斟有染指之過  
羊羹不及致入陣之苦雖復鵠臚鹿胃猶不  
稱甘鳳肺龍胎更云不羨雖羅鼎俎未必皆  
當在彼衆生於命已酷或復間朋亂友破俗  
傷真變紫奪朱反白爲黑所以讒言三至曾

母投杼端木一說越霸吳云故知三寸之舌未易可掉駟馬既出於事難追願斷煩惑入清淨境既同阿難乞乳之譏又等淨名寂默

之致餐禪悅之六味服法喜之三德形恭心到永趣菩提

身根頑觸唯貪細軟質體塵礙不重戈矛莫

不愛我輕他陵人傲物縱此裸蟲不羈醉象六塵四倒自此而生五蓋十纏因斯而致所以象簾清潤遨遊於夏室重衾狐月溫煦於冬房結駟廣廈動靜必安鷁首翠樓去來有託所以三業之過出自機關四大假成豈有真我願捨此畫瓶得彼金色淨寶珠之法飾

照琉璃之慧體長歸五分永等十身

意識攀緣其罪山積險同夢幻譬若猴緩懸

鏡高堂一念難靜走丸索上百慮先馳至如二十五有紛繞不息九十八使驚驚無已所以灰心滅智行拔於三乘風禪露飲道高於六度今願斷此意根祛累斯盡心當恬怕洞

照無生一切衆罪悉滅俗門三界異途歸之

真域懺悔已竟誠心作禮

悔高慢文

同上

弟子蕭綱又重至心歸依三寶竊聞禮稱弗傲表珠泗之遺文經云不慢驗踰闈之妙典故一遇恒神陵伽尚生餘習上賓天帝淮南

聚八

廿九

猶有誤辭亦有才曰隱倫調唯高俗猶足坐漚晉君立前齊主况復道隆三學法兼五衆如過前殿似出北門而不寄室致恭遺弓接足敢藉勝緣願起弘誓從今日始乃至菩提於諸出家悉表虔敬方欲削除七慢折制六根賓頭下步庶無厥咎耆達棄車方思景慕

幽顯大衆咸爲證明

懺悔文

沈約

弟子沈約稽首上白諸佛衆聖約自今生已前至于無始罪業參差固非詞象所笄識昧往緣莫由證舉爰始成童有心嗜慾不識慈悲莫辨罪報以爲毛群斂品事允庖厨無對

之緣非惻隱所及晨剗暮飧旦月隨年暗腹填虛非斯莫可兼曩昔蒙稚精靈靡達遨戲之間恣行天暴蟲動飛沉罔非登俎饌想逢值橫加剝撲却數追念種羣寔蕃遠憶想間難或詳盡又暑月寢卧蚊蟲嗜膚忿之于心應之于手歲所殲頃略盈萬計手因怒運命

因手傾爲殺之道事無不足迄至于今猶未頓免又嘗竭水而漁躬事網罟牽驅士卒懼娛賞會若斯等輩衆夥非一黨隸賓遊愆肯交互或盜人園寶或偷人芻豢弱性蒙心隨喜讚悅受分吞賊皎然不昧性愛墳典苟得忘廉取非其有卷將二百又綺語者衆源條繁廣假妄之愆雖免大過微觸細犯亦難備陳又追尋少年血氣方壯習累所纏事難排豁淇水上宮誠無云幾分桃斷袖亦足稱多此實生死牢寢未易洗拔灌志慘舒性所同稟遷怒過嗔有時或然厲色嚴聲無日可免人言謹行止曾不尋研觸過斯發動淪無紀

終朝紛擾薄暮不休來果昏頑將由此作前念甫謝後念復興尺波不息寸陰驟往愧悔攢心固知云唐今於十方三世諸佛前見在衆僧大衆前誓心剋已追自悔責收遜前愆洗濯今慮校身諸失歸命天尊又尋七尺所本八徵是構析而離之莫知其主雖造業者

聚八

三十

身身隨念滅而念念相生離續無已往所行惡造旣由心行惡之時其心旣染旣染之心雖與念滅往之所染即成後緣若不本諸真諦以空滅有則染心之累不卒可磨今者興此愧悔磨昔所染所染得除即空成性其性既空庶罪無所託布髮頂禮幽顯證成此念

一成相續不斷日磨歲瑩生生不休迄至道場無復退轉又彼惡加我皆由我昔加人若不滅此重緣則來惡彌邉當今斷絕永息來緣道無不在有來斯應庶達今誠要之咸達陳群臣請陳武帝懺文江揔文某位某甲稽首和南十方三寶一切諸佛十

方三世一切尊法十方三世一切賢聖見前  
大德僧皇帝某諱菩薩睿哲聰明廣淵齊聖  
心若虛空照窮般若發弘大誓荷負衆生神  
道會昌膺茲景業百王既季運屬艱難五岳  
維塵六軍日勤劬勞在念有切皇心既而深  
悟苦空極信無我寶臺華柱本非實錄賊城

樓櫓苦具茲多遂坐道場靜居禪室堅固善  
本具足檀那石壁山河珍車象馬頭目骸腦  
妻子國城鑾輅龍章翠帳玉机福德所感威  
惠所及莫不肅然大捨供養三尊便欲拂衣  
崆峒高步六合到林間而宴坐與釋種而同  
遊紫微虛宮黃星曠位上靈聳動厚土恆惶

聚八

三十

神乃聖之德與北極同尊中宮后妃之星金  
禎玉幹之戚窮積善之慶盡萬歲之懼玉鑾  
迴鑣金門洞啓百辟翹首揖紳並列願塵勞  
與雲沴俱銷億兆與天地同泰慊慊丹愚敢  
以死請弟子某和南

摩訶波若懺文

梁高祖

弟子等身纏愛惑業構煩惱天生蒸民樹以  
司牧黜黜黔首非后因戴豈容至尊居萬乘  
而伸獨往之情應在帝王而爲布衣之事且  
蠻夷猾夏役賊姦宄燧人警職日照甘泉之  
火四郊多壘未肆樓船之威若使七聖遂迷  
窅然汾水之上八駿沃若方在瑤池之濱則

天下何依群臣莫奉宗社廟堂有廢彝則弟  
子不勝狼狽之切謹捨如干錢如干物仰觀  
三寶大衆奉贖皇帝及諸王所捨悉還本位  
伏願十方三寶見前大德僧以慈悲力用無  
礙心坐道放光顯揚宣說歡喜和合超然降  
許當使皇帝望雲望日之姿與南山等固乃

二諸佛以慈悲之力開方便之門教之以遣蕩示之以冥滅百非俱棄四句皆亡然後無復塵勞解脫清淨但般若之說唯有五時而智慧之旨終歸一趣莫非第一義諦悉是無上法門弟子頗學空無深知虛假王領四海不以萬乘爲尊攝受兆民彌覺方幾成累每

時不顯嗟三有之洞然終日乾乾歎四生之俱溺常願以智慧燈照朗世間般若舟航濟渡凡識今謹於某處建如干僧如干日大品懺現前大衆至心敬禮慧命須菩提願諸衆生離染著相迴向法喜安住禪悅同到香城共見寶臺般若識諸法之無相見自性之恒

妙得不言之妙不說菩薩深見無說之深弟子習學空無修行智慧早窮尊追克己行方法欲以家刑國自近及遠一念之善千里斯應一心之力方國皆歡恒沙衆生皆爲法侶微塵世界悉是道場今謹於某處建如干僧如干日金剛般若懺見前大衆至心敬禮釋迦牟尼佛金剛般若禮長老須菩提願諸佛菩

金剛般若懺文  
梁武帝  
善薩戒弟子皇帝稽首和南十方諸佛無量尊法一切賢聖如來以四十年中所說般若本末次第略有五時大品小品枝條分散仁王天王宗源泓別金剛道行隨義制名須真

三寶

薩以般若因緣同時集會哀憐萬品護念群生引入慧流同歸佛海得金剛之妙寶見金牒之深經頂戴奉持終不捨離遠得已利盡諸有結心行自在無復塵勞稽首敬禮常住

勝天王般若懺文 陳宣帝

菩薩戒弟子皇帝稽首十方諸佛無量尊法  
一切賢聖自鶴林滅迹鷲嶺凝神瓶寫總持  
遺文不墜傳燈流布法輪踰廣方軌弘宣既  
昭著於西域分鑣顯說亦漸移於東土而周  
朝徵應止見夜明漢帝感通不過宵夢香象  
所載虎觀寂而未聞龍宮所藏麟閣聞其無  
取山海爲隔傳授蓋微華夷不同翻譯何幾  
天王所問止得經名金剛之經纔見一品歷  
魏晉而未備經宋齊而恒闕我皇帝承家建  
國光前絕後道格天地通被幽微大啓慈悲  
廣開智慧施造化以仁壽濟蒼生於解脫異  
出界而承風殊刹土而嚮應真人間出法寶  
傳通粵以天嘉六年外國王子月婆首那來  
遊匡嶺慧解深妙靡測聖凡奉持勝天王般若  
經一部於彼翻譯表獻京師某校彼前名冥  
合符契摠三乘之通教貫六度之淵海如開  
暗室以照優曇十方衆生若貧人之獲寶四

部弟子等力士之得珠金牒寶印始茲辰而  
一啓智慧寶法洎尔時而方具故知如來付  
囑必俟仁王般若興隆期於聖運弟子纂承  
洪緒思弘大業願此法門遍諸幽顯今謹於  
某處建如干僧如干日勝天王般若懺見前  
大眾至心敬禮本師釋迦如來禮般若波羅  
蜜禮勝天王願一切衆生勤求般若不避寒  
暑如薩陀波輪不受身命如精進力菩薩得般  
若之性相與般若而相應攝諸万有住安隱  
地舍靈有識悉獲歸依稽首敬禮常住三寶  
妙法蓮華經懺文 陳文帝

菩薩戒弟子皇帝稽首和南十方諸佛無量  
尊法一切賢聖竊以前佛後佛種種因緣已  
說當說各各方便莫非真語悉爲妙法理無  
二極趣必同歸但因業因心稟萬類之識隨  
見隨著異群生之相品位分淺深覺悟有遲  
速法雨一味得之者參差法雷一音聞之者  
差別是以小乘頓教由此各名聲聞菩薩因

斯分路至如鹿苑初說羊車小乘灰斷涅槃  
分段解脫以諸佛之善巧會衆庶之根機是  
曰半字未稱三點及夫會三歸一反本還源  
說大乘經名無量義滅化城於中路駕寶車  
於四衢衣裏明珠隱而還見幡中真寶於焉  
始得出寶塔於虛空踊菩薩於大地見希有  
事證微妙法最勝最尊難逢難值弟子以因  
地凡夫屬符負荷方欲憲章古昔用拯黎元  
竊以羲皇結綱深失大慈成湯解羅猶非妙  
善揚旌丹水異道樹而降魔執玉塗山非寶  
坊之大集所以憑心七覺繫念四勤住菩薩  
乘顯無三之教學如來行開不二之門汲引  
群迷導示衆惑今謹於某處建若干僧若干  
日法華懺見前大眾至心敬禮釋迦如來多  
寶世尊禮妙法華大乘經典禮普賢菩薩妙  
光法師願多寶如來從地涌出普賢菩薩衆  
象空來並入道場證明功德擊大法鼓轉妙  
法輪震動世間覺悟凡品令使盡空法界無

復聲聞無邊衆生皆爲菩薩摠持性相同到  
無生稽首敬禮常住三寶

金光明懺文

陳文帝

菩薩戒弟子皇帝稽首和南十方諸佛無最  
尊法一切賢聖尋夫靈鷲山間自有常住之  
相白鶴林處本無變易之法故知真解脫者  
誰辨去來實智慧者非有生滅而顛倒迷愚  
不曉三點之理無明覆蔽空有八十之疑於  
是四佛世尊百千菩薩俱會性相之室顯說  
釋迦之壽明稱歎之妙偈出懺悔之法音是  
曰經王微妙第一以種智爲根本以功德爲  
莊嚴能照諸天宮殿能與衆生快樂能銷變  
異惡星能除穀貴饑饉能遣怖畏能滅憂惱  
能却怨敵能愈疾病如法修行功德已甚弟  
子以茲寡昧慕承洪業常恐王領之宜不符  
政論御世之道有乖天律庶績未康黎民弗  
乂方願歸依三寶憑藉冥空護念衆生扶助  
國土今謹於某處建若干僧若干日金光明

懺見前大衆至心敬禮釋迦如來四佛世尊  
金光明經信相菩薩願諸菩薩久住世間諸  
天善神不離土境方便利益增廣福田映慈  
悲雲開智慧日作眼目道爲依止所成就菩  
提之道場安住不動之境國稽首敬禮常住  
三寶

大通方廣懺文

陳文帝

菩薩戒弟子稽首和南十方三寶竊以諸佛刹土  
不可言說如來稱號無有限量或過去見在  
共取頗羅之姓或同時異世俱有釋迦之名  
或明王十億或燃燈三萬去來三界遍滿十  
方聞名者離塵受持者得道其爲功德難用  
思議釋迦如來以無礙力遊娑羅之淨道止  
吉祥之福地寶池化生金花自踊說大通方廣出  
三寶名號譬如六天總歸一乘弟子用慈悲  
之心修平等之業常以万邦有罪責自一人  
四生未安理爲重任所以薰修在己日夜忘  
勞精進爲心夜分未息菩薩行處皆願受持

諸佛法明悉令如說欲使普天率土無復怖  
畏之塵蟠動蜎飛永得歸依之地今謹依經  
教於某處建如干僧如干日行方廣懺悔讀  
誦百遍右遼七巾塗香末香盡莊嚴之相正  
念正觀罄精懇之心見前大衆至心敬禮本  
師釋迦如來禮方廣經中所說三寶名字願  
諸佛菩薩尋聲赴響放淨光明照諸暗濁施  
清涼水滅茲渴愛登六度舟入三昧海抱万  
有而會真如齊三界而登寶法稽首敬禮常  
住三寶

虛空藏菩薩懺文

陳文帝

竊以菩薩之於衆生是大依止觀察性相隨  
機濟拔一人未度不證道果往古今來行願  
如一而虛空藏菩薩最爲勝上爲衆中之幢  
王爲大明之尊主具諸佛之智慧得如來之  
秘密至因夢見形隨緣示相一聞稱号水火  
不能焚溺一心稱名刀杖不能傷害壽命財  
產之願念而必諧色聲味觸之須求而皆遂

身心疾惱憐愍療治牢獄怖畏方便解釋此  
蓋隨從世法安樂衆生及夫動神變根去香  
集之境放淨光明來闇浮之界入三昧定除  
煩惱熱說陀羅尼破惡業障五濁惡世一時  
清涼五根本罪並皆解脫此則開世間之眼示  
涅槃之路弟子承如來之教稟諸佛之慈國  
被菩薩之功家行大士之業方願十方刹土  
悉有一乘十方衆生皆修十地今謹於某處  
建如干僧如千日虛空藏菩薩懺見前大眾  
禮陀羅尼神呪禮虛空藏菩薩願虛空藏菩薩  
尋聲應赴現神通力開智慧光以種種身遊  
諸國土度脫衆生不乖誓願稽首敬禮常住  
三寶

方等陀羅尼齋懺文

陳文帝

竊以三世諸佛以誓願因緣十方如來以智  
慧方便縱無礙之辯開無盡之門法流孤別  
宗源無限法本分散枝條不極非直摩訶般

若獨有八萬四千至於陀羅尼門亦有九十  
二億處處宣說種種名稱功德無量威神不  
測至如婆藪之拔地獄波旬之發菩提花聚  
之獲神通雷音之脫掩蔽莫不因斯章句承  
茲業力亦有四部弟子十方衆生聞一句而  
發心聽一說而悟道故知一切諸法無非真  
妙弟子側身修行所學者菩提肝食夙興所  
行者濟度一心之力攝取衆生一念之頃遍  
諸法相如來種智皆願總持諸佛功德悉欲  
沫布今謹於法典本之經教見前大眾至心  
敬禮釋迦牟尼佛禮陀羅尼章句禮雷音比  
丘禮華聚菩薩願承此功德調伏衆生滅三  
毒心破十惡業四百之煩惱自然清淨八萬  
四千塵勞一時解脫得神呪之力具法印之  
善入陀羅尼門觀諸佛境界頓銷獄火永盡  
無餘稽首敬禮常住三寶

藥師齋懺文

陳文帝

竊以諸行無常愚爲累法萬有顛倒皆成苦

本熱燄鏡像知變易之不停漂草叢茅見生死之奔迅隨業風而入苦海逐報障而趣幽途去來三界未見可安之所輪迴五道終無暫息之期藥師如來有大誓願接引萬物救護衆生導諸有之百川歸法海之一味亦能施與花林隨從世俗使得安樂令無怖畏至如八難九橫五濁三災水火盜賊疾疫饑謹怨家債主王法縣官憑陵之勢万端虔劉之法千變悉能轉禍爲福改危成安復有求富貴須祿位延壽命多子息生民之大欲世間之切要莫不隨心應念自然滿足故知諸佛方便事絕思量弟子司牧寡方庶績未又方憑藥師本願成就衆生今謹依經教於某處建如干僧如干日藥師齋懺現前大眾至心敬禮本師釋迦如來禮藥師如來慈悲廣覆不乖本願不棄世間興四等雲降六度雨滅生死火除煩惱箭十方世界若輪燈而明朗七百鬼神尋結縷而應赴障透香燃災無復

有命隨幡續漸登常住遊甚深之法性入無等之正覺行願圓滿如藥師如來

娑羅齋懺文

陳文帝

尋夫真解脫者本自不生實智慧者今亦無滅故知鶴林變色非變易之文驚山常在實常住之法但世界不一應赴所以不窮衆生無邊方便所以無際隨念隨著種種法門因業因心各各示見或八十九劫端坐之相未移方八十年無餘之機已及熙連河側晨朝之色忽明娑羅樹間中夜之聲便寂最後功德是曰茲辰弟子有緣間浮囬當重任愍群生之顛倒嗟庶類之愚迷常願造六度之舟濟之於彼岸駕一乘之御驅之於中道今謹於太極殿設無礙大會百僧一夕娑羅大齋願法雨法雲清涼三界之火慧燈慧炬照朗百年之室常住二字人天共聞伊字三點凡聖並悟無勞迦葉之間不待須跋之疑一切種智而爲根本無量功德以自莊嚴意樹開

解脫之花身田舍定慧之水居處吉祥之地  
枕藉福德之場與二氣而俱貞隨四時而納  
祐日月天子昭合璧於大千星辰宮殿散蓮  
珠於百億慈悲輕雨與祥風而並飛菩提寶  
雲共飛煙而合彩六合四海無復塵勞六道  
四生俱蒙清淨

無礙會捨身懺文

陳文帝爲皇太后太捨寶位竊觀雅誥奧義  
皇王興在予之言禮經令典聖人揚罪己之  
說故亡身濟物仁者之恒心克己利人君子  
之常德況復菩薩大士法本行願應赴三界  
攝受四生運無量之四心修平等之六度國  
城妻子僕倪哀荒承祖宗之大業扶曳喘息  
當天下之重任黎民弗乂庶績未熙御朽履  
冰無忘兢業又以世相泡影有爲露電愛河  
奔迅欲海飛騰稟識同焚含靈共溺垂憇憑  
玉還覺万乘非尊當寧負扆翻以萬機成累  
夕陽若厲思弘級引每旦不顯奉爲七廟聖

靈奉爲皇太后聖御奉爲天龍鬼神幽冥空  
有三界四生五道六趣若色若想若怨若親  
若非怨親遍虛空滿法界窮過去盡未來無  
量名識一切種類平等大捨弟子自身及乘  
輿法服五服鑾輶六冕龍章玉几玄裘金輪  
紺馬珠交纓絡寶飾莊嚴給用之所資侍生  
平之所玩好並而檀那咸施三寶今謹於前  
殿設無礙大會奉行所願并諸功德具列于  
前願諸菩薩冥空幽顯俱到證明開智慧日  
映慈悲雲樹寶幢於大千擊法鼓於百億震  
動世界覺悟群生放三昧之淨光流一味之  
法雨引愚癡於火窟拔煩惱於棘林出輪轉  
河到無生岸

廣弘明集卷第二十八

勅賚

下郎代以檢遵力進筠子均綽昌約  
反錫一琰反

檢遵力進筠子均綽昌約  
反錫一琰反

聚

屺岵

起戶隋煬上音隨下  
余向反

遲息麻褚亮上  
呂反

聚

拓拔珪

上音託中蒲未反

白氈毛席也下之然  
反

聚

穀德

上羊歲也下音徒下音了

苦菜也左蒼下音反

聚

